

पाँच मिरगला पच्चीस मिरगली,

जतन बिना मिरगा ने,
खेत उजाड्या रे,
हाँ रे तु तो सुण रे,
मिरग खेती वाला रे ॥

पाँच मिरगला पच्चीस मिरगली,

असली तीन छुन्कारा,
अपने अपने रस का भोगी,
चरता है न्यारा रे न्यारा रे,
जतन बिना मिरगा ने,
खेत उजाड्या रे ॥

मन रे मिरगले ने किस बिध रोकूँ,

बिडरत नाय बिडारया,
जोगी जंगम जती सेवड़ा,
पंडित पढ़ पढ़ हारया रे,
जतन बिना मिरगा ने,
खेत उजाड्या रे ॥

आम भी खाग्यो अमली भी खाग्यो,

खा गयो केसर क्यारा,
काया नगरिये में कछुयन छोड्यो,

ऐसो ही मिरग बिडारया रे,
जतन बिना मिरगा ने,
खेत उजाड्या रे ॥

शील संतोष की बाड़ संजोले,
ध्यान गुरु रखवाला,
प्रेम पार की बाण संजोले,
ज्ञान ध्यान से ही मारया रे,
जतन बिना मिरगा ने,
खेत उजाड्या रे ॥

नाथ गुलाब मिल्या गुरु पूरा,
ऐसा मिरग बताया,
भानीनाथ शरण सत गुरु की,
बेगा ही बेग सम्भाल्या रे,
जतन बिना मिरगा ने,
खेत उजाड्या रे ॥

पांच मिरगला पच्चीस मिरगली,
असली तीन छुन्कारा,
अपने अपने रस का भोगी,
चरता है न्यारा रे न्यारा रे,
जतन बिना मिरगा ने,
खेत उजाड्या रे ॥

Singer Shree Navratan Giri Ji Maharaj
Upload By Himalay Joriwal

Source:

<https://www.bharattemples.com/pancha-miragala-pacchis-miragali-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>